




教育部審定

C8
200
1912

共和國
新歷史
教科書

高等小學校
春季始業
第六冊
學生用

商務印書館發行



42089 ✓
教科書文庫
4
200
63-1912
01304
49543



中央図書館

目次

第一	五代之亂
第二	北宋之世
第三	南宋之世
第四	唐宋之文化
第五	元之興亡
第六	明之初葉
第七	明之中世
第八	明之季世
第九	元明之文化
第十	滿洲之興
第十一	清之強盛上

授課時數

二 二 一 二 二 二 二 一 二 二

共高一〇七

春季行

第六册 目次

広島大学図書

0130449543



- 第十二 清之強盛下
- 第十三 清之季世上
- 第十四 清之季世下
- 第十五 中華民國之興
- 第十六 近代之文化

一一
一一
一一
一一
一一

時間分配方法附

每篇教授二時者其分配方法可分三種(甲)每篇平分二段每時教授一段(乙)每篇分二段第一段較多第二段較少第一時教授第一段第二時教授第二段并復習全篇(丙)不分段落第一時教授第二時復習其每篇教授三時以上者以此類推(如三時者可分二三段四時者可分三四段或竟不分段落視各篇內容而定)

春季新歷史第六册

第一 五代之亂

後梁

朱全忠既篡唐稱帝是為梁太祖據有河南都大梁京即汴是時唐諸藩鎮皆獨立或稱帝或仍奉唐正朔以抗梁

後唐

李存勗據山西稱帝是為唐莊宗伐梁滅之都洛陽有河南山西直隸陝西四川之地明宗繼位勤於政事為五代賢主

後晉

唐明宗卒其將石敬瑭以契丹兵滅唐遂稱帝是為晉高祖都大梁割燕雲諸州以報契丹其姪出帝不禮契丹契丹太宗陷大梁擒出帝契丹為東胡裔後魏之世據今熱河朝陽之北因併有熱河全境唐末耶律阿保機為部長攻伐四隣東三省蒙古及北部各特別區域皆為屬土遂稱帝都臨潢今熱河林西縣是為契丹太祖子太宗嗣立滅後晉改國號曰遼

劉知遠 鎮河東 乘契丹 兵退入 大梁稱 帝是為 漢高祖 其子隱 帝嗣之 大臣內 訂藩鎮

晉將 五代十國圖



共高一〇七

外叛。


漢將郭威舉兵陷大梁遂稱帝是為周太祖世宗繼之英武有大略首破北漢兵繼略取南唐契丹之地世宗卒趙匡胤篡之而自立

以上梁唐晉漢周相繼據有中原僅五十四年而更歷五代此外之據一隅而稱帝王者尤眾最著者吳楊氏南唐李氏前蜀王氏後蜀孟氏楚馬氏閩王氏吳越錢氏南平高氏南漢劉氏北漢劉氏謂之十國吳據江南李氏篡之為南唐滅楚及閩版圖最大前蜀據四川為唐莊宗所滅孟氏又據其地為後蜀錢氏據浙江高氏據湖北皆入貢於五代南漢據廣東北漢據河東與後蜀南唐皆獨立其後悉為宋所滅

第二 北宋之世

趙匡胤稱帝是為宋太祖都於汴梁即大與其弟太宗以次兼併諸邦五代擾攘之禍至是始定太宗分其國為十五路以遼人未服興師伐

宋五十路圖



共高一〇七

宋遼之交

宋與西夏之交

宋神宗變法

之時遼承天后蕭氏當國勢正強宋師屢敗真宗時遼兵攻澶州今直隸縣人震驚真宗親往視師與遼結盟歲輸銀絹宋遼遂為兄弟之國

又賜姓為趙傳至趙元昊遂獨立奄有綏遠西南西套蒙古及陝西甘肅之邊徼地方都興慶今寧夏仁宗遣師攻之不能勝乃歲賜銀絹以與之和宋與西夏遂為父子之國

宋自太宗以來外征無功務以和平退讓為政策且立國既久吏治軍政日就廢弛仁宗時范仲淹為相嘗欲變革弊政不得行其志神宗任王安石理財政整軍備創青苗市易保甲諸法以期富國強兵大臣及清議之士爭抗論其非而安石所立之法所任之人亦未盡善不免擾民議者益譁又出兵攻西夏為所敗與遼議界割地予之於是安石之內政外交俱失敗辭職去神宗亦憂懣而卒

北宋之亡

司馬光繼相盡廢新政未幾新黨復用事斥舊黨嗣是兩黨詆排愈力政令紛更國是無定徽宗相蔡京藉新法以朘削人民君臣恣為奢華佚樂又出師畧夏疆并與金人約共滅遼得北京諸地以歸既而金以宋人納叛為辭遣兵南下陷汴京執徽宗及其子欽宗北去

第三 南宋之世

女真之興

金為女真族世居松花江之東臣附於遼其部長姓完顏氏傳至阿骨打背遼稱帝是為金太祖都於會寧今吉林城縣屢勝遼兵取其州縣遼欲與和迄不就其弟太宗繼之遂滅遼未幾又滅宋奄有中國北部宋高宗即位領有江淮以南是為南宋不敢與金人戰展轉避地遂至杭州建為臨安府而都焉宋將韓世忠岳飛等屢破金兵高宗與宰相秦檜決欲講和貶竄異議者殺岳飛等稱臣割地於金金主亮欲一統中國大治兵備移居汴京伐宋不利為其下所殺世

宗之南渡

宋金之世

宗烏祿繼其位宋高宗亦禪位於孝宗孝宗太祖之裔也銳意恢復出師北伐而敗因復結和去君臣之稱改稱叔姪南北無事者數十年金世宗勤於政事力守祖風禁國人學南人衣飾孝宗亦仁孝之主也其後韓侂胄相宋寧宗貶竄朱熹等目為偽學嚴禁之欲立大功以固其位興兵伐金敗績金軍數道來攻宋人斬侂胄以謝并改叔姪為伯姪事乃已既而蒙古強盛金地日蹙至金哀宗時蒙古太宗與宋理宗約夾擊金哀宗走蔡州今河南縣南自殺金遂滅亡宋理宗任賈似道為相專權縱侈蒙古大舉來攻長江流域相繼失陷至恭帝時元兵遂入臨安以恭帝北去宋人立其弟端宗於福州航海西走卒於柵洲今日南州在廣東其弟昀繼立據崖山今廣東新會縣元軍陷之帝投海死宋臣陸秀夫張世傑文天祥先後殉國

宋亡

金亡

第四 唐宋之文化

其高〇七

政制

宗教

隋文帝統一南北。定內外官制。唐人宗之。內置三省。曰中書門下。尚書。其長官皆為宰相。中書管命令。門下掌謀議。尚書有六部。曰吏戶禮兵刑工。分司全國政務。外置州縣。州長曰刺史。縣長曰令。太宗置十道。以統諸州。其後分道漸多。又置觀察使。節度使。一道之兵事吏治財賦皆統之。中央之權日微。宋興。改道為路。設官督理一路事務。節度觀察。但為虛職。藩鎮之弊始除。其中央政務。則分掌於中書省樞密院。唐宋宗教最發達。佛教分十餘派。禪宗尤盛。以達摩為祖師。唐僧玄奘。求經印度。繙成千三百餘卷。故繙經莫盛於唐。道教為唐宋國教。其勢亦盛。因唐奉老子。李耳為始祖。宋奉天尊。趙玄朗為始祖。故也。唐韓愈。欲扶儒教。力排老佛。迨宋五子出。高談性理。儒遂中興。五子者。周敦頤。程顥。程頤。張載。朱熹是也。此外尚有火教。出於波斯。拜火為神。景教為天主教。別派。回教。出於天方。以清真為教義。回。回奉之。故名。皆于唐

共高一〇七

文學

技術

時傳入中土。宋時火教景教俱微。惟回教與儒道佛并峙。唐宋文學亦盛。韓愈。柳宗元之文。李白。杜甫之詩。皆唐代大家。世稱李白為詩仙。杜甫為詩聖。宋之詩文。首推歐陽修。蘇軾。軾與韓愈。齊名。謂之韓潮蘇海。宋代史家尤多。司馬光。通鑑。朱熹。通鑑綱目。皆最有名。中國技術有功世界者三事。一為羅盤。黃帝。周公造指南車。為羅盤所自起。唐宋之世。海上貿易極盛。置市舶司於廣杭。諸州華人航海日多。羅盤更為航海之用。二為印版術。三代文字。或刻之竹木。或寫於縑帛。漢時始有紙。然鈔錄費功。得書不易。至五代而印版之術始行。三為火藥。我國古來以弓弩礮石為射遠之利器。宋時爆仗煙火火藥之屬始盛行。并已用於戰事。此三者。旋皆輸入歐洲。遂開歐美今日之文化。

第五 元之興亡

南宋之世。亞洲大陸諸國。印度。高麗之類。或分裂。或微弱。可稱者。惟

蒙古之興

蒙古統一
亞洲

七大國。金。南宋。西。夏。外。據。外。蒙。古。西。部。新。疆。北。部。者。為。乃。蠻。據。蔥。嶺。東。西。者。為。西。遼。據。裏。海。東。南。者。為。花。刺。子。模。據。西。亞。細。亞。者。為。大。食。既。而。外。蒙。古。克。魯。倫。河。源。有。蒙。古。族。興。部。長。帖。木。真。吞。併。諸。族。奄。有。貝。加。爾。湖。以。南。至。外。蒙。古。東。部。於。是。亞。洲。復。增。一。大。國。

帖。木。真。稱。成。吉。思。汗。率。其。子。孫。以。次。滅。七。大。國。其。孫。拔。都。又。西。征。俄。羅。斯。破。波。蘭。諸。國。聯。軍。歐。洲。大。恐。號。為。上。帝。之。鞭。東。方。高。麗。南。方。緬。甸。安。南。爪。哇。諸。國。亦。先。後。為。成。吉。思。汗。子。孫。所。征。服。亞。洲。全。部。除。阿。刺。伯。印。度。日。本。外。悉。為。蒙。古。所。統。一。即。歐。洲。東。北。部。亦。入。於。蒙。古。之。版。圖。

成。吉。思。汗。之。孫。忽。必。烈。即。帝。位。國。號。元。是。為。元。世。祖。直。轄。金。宋。夏。及。外。蒙。古。東。部。之。地。設。十。一。行。省。以。治。之。以。上。都。多。今。察。哈。爾。大。都。京。即。北。為。兩。京。其。外。之。地。皆。成。吉。思。汗。子。孫。所。分。領。以。乃。蠻。為。窩。闊。台。汗。國。以。西。遼。為。察。合。台。汗。國。以。大。食。花。刺。子。模。為。伊。兒。汗。國。以。俄。羅。斯。至。西。伯。利。

圖 國 汗 四 及 省 行 一 十 元



共高一〇七

元之衰亡

明之一統

西部之地為欽察汗國諸汗國雖奉元帝為宗主然國內政治皆其自專與三代封建之情態無以異也


元世祖之為帝也其弟與之爭位窩闊台汗亦不服起兵與世祖相爭察合台汗欽察汗皆助之惟伊兒汗助世祖國內大擾歷數傳而亂始定元室自是不能統一其後內亂頻起至順帝時政事廢弛人民飢困羣雄據地自立明太祖乘機平定中原順帝出走元室遂傾覆矣

第六 明之初葉

明太祖既定中原取大都元帝猶據上都謀恢復會順帝卒子孫迭為明軍所敗遂走和林去帝號改稱韃靼可汗

太祖分王其子二十三人以為屏藩析全國為十三布政司置烏梁海諸衛以統東胡控東方置西寧諸衛以統西番控青海置哈密諸衛以統回回控西域置烏斯藏行都司及諸法王以綏西藏國勢益固

明兩京三十布政司圖



春季所 卷 第六册

七

共高一〇七

成祖之武

太祖勤於政事。用法甚嚴。又懼功臣為子孫患。肆意誅夷。元老宿將。相繼蕩盡。而諸王皆擁護軍。鎮要地。燕王棣等勢尤強。太祖卒。孫惠帝立。謀削諸王權。燕王舉兵陷南京。大戮臣民。極其慘酷。是為靖難之禍。燕王稱帝。是為明成祖。遷都北京。盡奪諸王之權。以固其位。南滅安南。置為交趾。布政司時。韃靼內亂。相繼勢甚衰。窩闊台汗國亦亡。瓦剌據其地。與韃靼相攻。帝親征韃靼。大破之於斡難河。瓦剌亦降。帝於是欲廣敷威德。遣使烏斯藏及西域諸國。又使鄭和巡歷西洋。直至非洲。東西諸國爭入朝貢。日本大將軍亦受冊封。為明室極盛之世。成祖卒。再傳至宣宗。吏治清明。人民豐樂。惟南棄交趾。損國威。遠方多不至者。且成祖時。棄大寧。平今泉熱縣河移東勝。東今勝綏縣宣宗復棄開平。元即部上長城以外之地。烏梁海韃靼。以次居之。遂永為明室之大患。

第七 明之中世

共高一〇七

瓦剌之興

自韃靼衰亂。瓦剌代之而興。傳至也先。勢尤強盛。時明英宗在位也。先率烏梁海韃靼。瓦剌之眾。分道寇邊。虜英宗。進逼京師。賴于謙等力禦也。先始送還英宗。與明人和。旋殺韃靼可汗。併吞諸部。東至建州。西至哈密。皆受約束。自稱大元天聖可汗。後為其下所殺。

韃靼復盛

也先死。部落離散。瓦剌遂衰。韃靼勢再起。復立可汗。號曰小王子。屢引諸部擾邊。後分三大部。一居漠北。曰喀爾喀部。一居東方。曰插漢兒部。子即部落王一居山西邊外及河套地方。曰套部。俺答為套部長。尤雄勇。

倭種之寇

明世宗時。深入各邊。肆焚掠。至穆宗即位。俺答始請和。受明封爵。當是時。南方兵禍亦烈。一為倭寇。起於明初。至世宗時。而益熾。奸民助之。蹂躪沿海郡邑。歷數十年。始平。迨神宗之世。日本平秀吉遣兵犯朝鮮。神宗出師赴援。不能勝。久之始罷。一為緬寇。明初。緬甸與木邦。孟養。同為雲南土司。神宗時。緬甸自稱王。服木邦。滅孟養。焚掠滇邊。遣兵

長城

破之進陷。緬都。緬人降。然終不能臣屬其地。當明之中葉。外患迭乘。西北失地尤多。明人無力恢復。專以防禦。為事。如今之長城。自甘肅以達直隸。大都。明人修築以防。韃靼者也。俺答死後。插套二部。擾邊愈甚。未幾。滿洲又起於東北。明遂不能支矣。

第八 明之季世

明神宗深居宮中。信任宦者。以致內政日荒。外患交迫。士大夫不顧大局。惟事黨爭。因之有東林。非東林二派。其時有男子張差。持挺入太子宮。被獲。光宗病亟。醫士李可灼。進紅丸。帝服之。翌日卒。熹宗即位。左光斗。楊漣等。令選侍李氏。移出乾清宮。於是。有梃擊。紅丸。移宮三大案。是非未定。兩黨據為爭端。互相攻訐。而東林黨多清流。有勢力。適宦者魏忠賢當國。敵東林者。遂結忠賢。使大捕東林。酷刑以斃之。非東林黨大勝。思宗立。始誅竄忠賢。與其黨。然三案之爭。仍未已也。

明末三大案

共高一〇七

思宗殉國

思宗之即位也。滿洲以次據東三省。蒙古加以中原饑困。流寇大起。帝憂勤殊甚。然昧於用人。在位十七年。宰輔至五十餘人。其秉權獨久者。大都貪庸。姦險之輩。國事日以敗壞。外則滿洲屢犯畿輔。內則張獻忠。李自成等。蹂躪各省。廷臣束手無策。自成遂陷京師。帝自縊於煤山。清人方欲乘明室內亂。進據中原。至是以吳三桂為先導。引兵入山海關。逐李自成。清世祖遂定都於北京。時明臣史可法等。立福王於南京。福王任用魏忠賢餘黨。肆意佚樂。清兵南下。虜福王。浙人奉魯王監國。閩人立唐王為帝。亦皆為清兵所破滅。明人又立桂王。據西南諸省。與清兵相持。桂王屢敗。走緬甸。吳三桂檄緬人出桂。王殺之。明遂亡。

第九 元明之文化

元人內置中書省。樞密院。御史臺。外設行省。明初損益其制。於中央置中書省。都督府。都察院。外置布政使。以司民政。都指揮使。以司軍政。

明亡

政制

廷杖之刑

按察使以司刑名按劾謂之三司太祖惡丞相專權廢中書省使六部獨立然宣宗以來大學士入閣辦事權任無異宰相又特遣大臣統轄地方軍務謂之總督巡撫都布按三司皆受制且命御史巡按各省如古之刺史因之大官日多層壓互掣政事反無實效

明太祖喜專制務張威權子孫襲其風視臣民如草芥而廷杖為尤甚凡直言之士忤意之人輒杖之至死或枷示朝堂又信任宦官內外政事咸使干預兼置東廠西廠刺探臣民隱事陷之刑獄故明代皇帝大權實操於宦官之手以魏忠賢之凶虐而人無如何誠專制之弊也

明以八股文試士以四書五經命題專用宋元諸儒傳注故明代宋學頗盛迨王守仁出別倡新說學者翕然宗之儒教遂分兩派元人最信刺麻教明帝雖亦尊奉然無影響於民間惟蒙古西藏青海盛行至明之中葉刺麻教分紅黃兩派黃教尤盛元時天主教嘗輸入於中國

宗教學術

共尚一〇七

努爾哈赤為滿洲部長

然其勢不振明神宗時意大利人利瑪竇復傳天主教於北京士大夫歡迎之其徒來者日眾遂布教於各省泰西科學亦藉以輸入焉明人學術多疏陋文學亦僅以摹擬前朝為能惟美術有可傳者如宣德爐為宣宗時之銅爐景泰藍為景帝時之瓷器皆至今為人所寶貴

第十 滿洲之興

明初於東北置三衛在松花江西境者為海西衛其南為建州衛在松花江以東至海者為野人衛建州衛凡數部以滿洲部之覺羅氏為強始居長白山東後徙興京今奉天縣明神宗時有尼堪外蘭者欲統御滿洲諸部族諸部及覺羅氏皆歸之惟努爾哈赤不附舉兵滅尼堪外蘭併吞同族及諸部之地自為滿洲部長

努爾哈赤之始起也明神宗授官賜幣以撫之及勢力日強海西諸國皆懼連合蒙古長白山之眾大舉進攻悉為努爾哈赤所破海西諸

滿洲建國號曰清

滿洲入主中原

國相繼亡。并降科爾沁及野人諸部。因稱皇帝。進擾明邊。神宗命經略楊鎬。四道出師。皆敗沒。努爾哈赤遂陷遼東。以瀋陽為都。是為清太祖。太宗繼之時。袁崇煥堅守遼西。不能下。且朝鮮屢以兵助明。征滿洲。察哈爾漢即兒捕汗受明歲賜。亦欲與滿洲為難。太宗南降朝鮮。以絕後顧。憂。旋引兵犯北京。設計使明思宗殺崇煥。遂滅察哈爾。服內外蒙古。始建國。號曰清。進取遼西。蹂躪直隸山東之境。太宗有吞明之志。以時會未至。屢致書議和。思宗拒之。迨世祖繼位。攝政王多爾袞聞思宗殉國難。親率軍經略中原。適吳三桂來乞援。遂入關。遷都北京。分遣諸將略地。西行者滅李自成。張獻忠等。南下者滅明。諸宗室。又嚴令辮髮易衣冠。抗者四起。未幾皆定。惟鄭成功據臺灣。力與清敵。及聖祖即位。吳三桂與耿精忠尚之信。三藩并叛。西南諸省響應。不數年而悉平。又取臺灣。降鄭氏。海內始盡歸於清。

共高一〇七

第十一 清之強盛上

聖祖世宗高宗三朝為清室最盛之世。自三藩平後。國內無事。而準噶爾興於西北。為清巨患。故三朝國權之擴張。實由抵敵準部而起。準噶爾為瓦刺之裔。據新疆北部。都伊犁。兼役屬回疆。東至外蒙古。南至青海。西藏北至哈薩克。烏梁海諸族。皆與之交通。勢日強大。部長噶爾丹嘗為僧於西藏。達賴封為博碩克圖汗。值外蒙古內訌。噶爾丹引兵襲據其地。進駐克魯倫河。南窺邊塞。聖祖親引兵大破噶爾丹。噶爾丹走死。喀爾喀由是比於內藩。清兵駐阿爾泰山。以防準噶爾。噶爾丹之姪策妄阿拉布坦繼據伊犁。奄有準噶爾諸部。勢力復盛。進襲西藏。殺拉藏汗。時達賴在西寧。聖祖命將屯青海。以軍護達賴。入藏。破準噶爾兵。斷絕準藏之交通。至世宗時。遂置辦事大臣於西藏。世宗即位之初。青海台吉羅卜藏丹津以其部獨立。刺麻番衆爭應。

聖祖服屬外蒙古

聖祖定西藏

世宗平青

之世宗命年羹堯岳鍾琪率師進攻羅卜藏丹津兵敗逃依準噶爾世宗遂征準噶爾時策妄阿拉布坦已卒子噶爾丹策零大破清師進襲外蒙古屢為喀爾喀親王策凌所敗乃與外蒙古和以阿爾泰山為界世宗因置定邊左副將軍於科布多後移駐烏里雅蘇臺在外蒙古內統轄喀爾喀各部又置辦事大臣於庫倫外蒙古之邊防愈固及高宗即位準噶爾內亂部落多來歸高宗遣兵直入伊犁降其酋長天山南北皆歸附降將阿睦爾撒納欲為準噶爾汗怨賞薄而叛各部應之高宗再出師分道進攻阿睦爾撒納不能敵走死俄羅斯準噶爾始亡繼平回部之亂新疆遂定置將軍都統等官以領之於是哈薩克烏梁海皆內屬浩罕阿富汗諸國并通使貢當是時高宗又平金川服廓爾喀惟經營安南緬甸皆無功雲南關外之地概棄以予緬

第十二 清之強盛下

高宗平準
回兩部

共高一〇七

八旗

駐防

清代不立
太子

官制

三朝崇尚
文治

清太祖之舉兵也僅遺甲十三副迨諸部歸附兵民漸多乃設國旗以純色為別曰黃紅藍白後增四旗參用其色鑲之是為八旗世祖以八旗入關圈近畿民地以居之及平定各省遂分遣八旗駐防要地聖祖時駐防日增規制亦日密高宗之世雖遠至伊犁亦設之矣清代不立太子聖祖嘗立之諸兄弟分黨競爭太子終廢世宗有鑒於此密書所欲立者置於殿榜之內臨終乃啓之高宗以來遵用此法至其官制多本於明內官以大學士為最尊儼如宰相謂之內閣自世宗用兵西北別置軍機處以大臣領之內閣遂成閑署聖祖分國內為十八省以總督巡撫為地方長官東三省蒙古新疆青海西藏則統以將軍大臣其制異於行省且設理藩院於中央總司藩屬之政令聖祖世宗高宗并勤於國事內治甚優且登用儒臣編纂巨籍高宗建藏書樓於奉天鎮江揚州杭州以便士子觀覽尤足稱述惟文字之



共高一〇七

文字之獄

俄英之交涉

獄亦莫甚於清時。殘殺學者不可勝數。高宗復嚴命各省。凡書籍觸諱者。概搜進而燬棄之。世以比於秦之焚書坑儒云。

自世祖入關之初。俄羅斯已由西伯利亞關地而東。與外蒙古黑龍江為境。俄人侵占黑龍江右岸之地。清兵攻之。俄人堅守不去。聖祖遣使與俄使訂界約。以尼布楚予俄。尼布楚以東仍歸中國。世宗復遣使與俄人締恰克圖約。定蒙俄之界。東北邊防始安。至高宗之世。有中英之交涉。是時英人據印度。欲通商中國。以澳門為葡人所有。乃索舟山。高宗不許。英國遣使入朝。亦不得要領。值清室方盛。英人固無如何也。

第十三 清之季世上

高宗在位六十年。行授受大典。讓帝位於其子仁宗。自為太上皇。當是時。法蘭西大革命之風潮。方震盪全歐。惟中國晏處亞東。酣熙於太平之宇。誠盛事也。然清室之內訌外憂。即於此時始矣。

白蓮教

當高宗之末年。白蓮教已起於湖北四川陝西皆應之時。和珅當國。賄賂公行。軍事日壞。迨高宗卒。仁宗誅和珅。任用額勒登保等為將帥。白蓮教始平。然國庫耗費幾盡。政府由是患貧矣。

天理教

白蓮教雖平。其徒仍徧布各省。天理教者。白蓮教別派也。勢尤甚。宮中太監亦多附之。乘仁宗在熱河之際。糾眾入宮。欲據大內。外援不繼。遂皆被擒。黨人起於河南諸地者。亦皆無成而死。仁宗敕各省大吏嚴捕黨徒及其支派。一時白蓮諸會幾於滅絕。

三合會

白蓮教之外。又有三合會。尤有勢力於南方。清宣宗時。政事益窳。敗加以鴉片之戰。喪失國威。災饉頻年。人民困苦。三合會遂起於廣東。蔓延廣西。及洪秀全應之。而清室幾覆。秀全素奉耶穌教。後自倡上帝教。以傳播天福。眾人平等為宗旨。附者甚眾。迨三合會起事。秀全亦聚眾廣西之金田村。與清兵相持久之。勢益盛。遂奪永安州。稱天王。建號太

尹一〇七

太平天國

平天國。率眾由湖南入武昌。沿江東下。取金陵為都。分遣諸將經略北方。當是時。清文宗嚴兵守北方。諸將皆不利。南方之地亦此得彼失。且諸王爭權相殺。秀全不能止之。勢力日渙。及清軍破金陵。秀全已先仰藥死。其子走江西。又被殺。方秀全之起也。北方之捻。陝甘。雲南之回。貴州之苗。皆響應。至是。悉為清軍所平。兩粵之三合會亦為清吏所鎮定。

第十四 清之季世下

鴉片之戰

自英人通商以來。販運鴉片最盛。吸食徧於全國。仁宗宣宗嚴禁之。卒無效。宣宗使林則徐赴廣東。盡焚英商鴉片。英人遂攻廣東。以兵船擾沿海。直逼南京。宣宗懼。締約償金。且割香港與英。為居留地。至文宗時。英人與粵督葉名琛齟齬。聯合法國之軍。陷廣州。虜名琛。轉兵攻天津。與清廷重締約。旋又啓釁。聯軍遂陷北京。因俄公使調停。得復和好。清廷先後割黑龍江。北部吉林。東部之地於俄。俄人更蠶食中國之

中俄交涉

外藩之失

西北烏梁海伊犁之境日蹙時太平天國勢方盛新疆回族亦起兵浩罕遣軍助新疆遂據之自立俄人乘機進占伊犁及清軍定新疆遣使索伊犁僅得固爾札之地復遣曾紀澤爭之始更收其南境而歸外人見清之日衰也相率吞併其外藩法國據安南南部進略北方清師出關與法人戰互有勝負法海軍進擾沿海燬清艦隊因議和以安南歸於法是時英軍亦入緬京廢其王奄有緬甸從此英法之境與雲南廣西相接界務因之日紛雲南邊地喪失尤甚日本亦覬覦東藩先滅琉球繼窺朝鮮會朝鮮東學黨作亂清師往平之日兵先據王京遂開戰清師屢敗要地盡陷海軍亦降於是割地償金認朝鮮獨立外藩既盡失瓜分中國之議遂起德人首以艦隊占膠州灣迫清廷租借以九十九年為期俄英法繼之并訂鐵道礦山之約競爭殊烈國人乃大為警醒德宗聽康有為等之言銳意變法廷臣不悅擁孝欽后

濬灣租借

義和團之亂

臨朝變法者皆得罪孝欽任用載漪剛毅等欲藉義和團之力驅除外人義和團遂焚教堂殺教徒戕德國公使圍攻使館列國聯軍赴援直入北京孝欽率德宗出走依聯軍要求懲罪人償巨款遣使謝過事乃已聯軍既撤而俄軍據東三省不肯退日本攻之大勝因與俄人中分東三省之利且得庫頁島之半焉

第十五 中華民國之興

清政不綱外侮交迫識者咸欲改革以救危亡其時僑居海外之商民遊學各國之學子多有昌言革命者南方各省屢有變亂其勢日盛清廷乃以預備立憲為辭大行改革并明定開設國會之期以期挽回人心

革命之挫折

會德宗卒其弟載灃攝政設立內閣軍政財政諸大權悉畀於親貴國人請速開國會不許又收商辦鐵路為國有以蜀人抗命遣兵剿之

民軍之起

人民益憤。民國前一年八月十九日。陽曆十月十日民軍起武昌。南方各省及陝西山西相繼響應。清軍雖復取漢口漢陽。而南方全失。海軍盡降。北方亦密布民黨。伺機欲起。人心動搖。清廷乃遣使與民軍議和。卒以全國皆贊成共和。清帝遂退位。

方清廷議和之際。各省遣代表立參議院及臨時政府於南京。改用陽曆。以陰曆之十一月十三日為民國元年正月元日。迨清帝退位。移臨時政府及參議院於北京。南北遂統一。民國二年四月開設國會。十月選舉正式大總統。東西友邦先後承認中華民國云。

南北統一

第十六 近代之文化

專制之度。至明清而極。蓋明太祖崇尚刑法。箝制臣民。清人入關。因明制而益密。加以宋明諸儒以忠君為大義。國人益視君上如帝天。無敢非抗。迨清之季世。共和民權之說輸入。民志一變。卒推翻數千年專

政制之變革

學術之進步

宗教之完備

制之政體。而建中華民國。洵國史之光榮也。

清代學術。以考據為最盛。顧炎武黃宗羲王夫之三人。實開其風。凡音韻文字禮樂象數歷史輿地金石。莫不研求故籍。各有專家。大抵遠宗漢儒。排斥宋學。其後泰西學術盛行。考據始衰。蓋當明中世以後。清中世以前。泰西輸入者。不過天文算數之學。鴉片戰後。國人始研究各國地理歷史。及製造格致醫藥諸學術。清日戰後。留學日本歐美者日多。學術始大輸入。凡科學哲學政治法律兵事實業。無不為國人所向慕。物質文明亦因而進步。如汽車汽船電車電燈電話無線電摩託車飛機飛艇之類。日見推行。中華民國文化之興。可以預睹矣。

中國近代。備有世界各大教。儒教道教佛教回教。尤徧於全國。次為天主教耶穌教。天主教徒為清聖祖所信任。世宗時與白蓮諸教同行禁止。宣宗以後。其勢復盛。耶穌教入中國較晚。信徒亦多。曩時愚民對

結論

於天主耶穌二教。頗多疑謗。屢加危害。今民國肇興。許信教自由。從此人人各得其安心立命之處。於國民精神上之影響。尤為偉大也。綜而言之。我國數千年文化。非一民族之功。即今日改專制為共和。亦我五大民族共同之力。故將來發達文化。鞏固國家。必賴五族之相親相保矣。試觀漢族移殖海外者。數百萬人。前代不加保護。遂至受人凌虐。又如緬甸多藏族。中亞西亞北非多回族。西伯利亞多滿蒙二族。以不能相保。外人輒奪其地而奴視其人。故我國民。雖有五千年文化。雖有廣土衆民。雖中華民國已成立。五族已為一家。尚宜實體共和之旨。互相愛護。永鞏民國萬年之基。豈第國內文化光輝日新。且將遠庇海外諸同族。俾同享人類之幸福。增世界之和平焉。國民其共勉之。

春季新歷史第六冊終

歷朝統系表第二

- 後梁(朱氏凡二世十七年起民國前一〇〇五終民國前九八九)
- 太祖晃——末帝璠
- 後唐(李氏凡四世十四年起民國前九八九終民國前九七六)
- 莊宗存勗——明宗亶——閔帝從厚——廢帝從珂
- 後晉(石氏凡二世十一年起民國前九七六終民國前九六六)
- 高祖敬瑭——出帝重貴
- 後漢(劉氏凡二世四年起民國前九六五終民國前九六二)
- 高祖嵩——隱帝承祐
- 後周(郭氏凡三世十年起民國前九六一終民國前九五二)
- 太祖威——世宗榮——恭帝宗訓
- 北宋(趙氏凡九世一百六十八年起民國前九五二終民國前七八五)
- 太祖匡胤——太宗炅——真宗恆——仁宗禎——英宗曙——神宗頊——哲宗煦——徽宗佶——欽宗桓
- 南宋(趙氏凡九世一百五十三年起民國前七八五終民國前六三三)
- 高宗構——孝宗春——光宗惇——寧宗擴——理宗昀——度宗禛——恭帝昀——端宗昀——帝昀

遼(耶律氏凡九世二百年起民國前九九六終民國前七八七)

太祖億—太宗德光—世宗阮—穆宗璟—景宗賢—聖宗隆緒—興宗宗真—道宗洪基—帝延禧

金(完顏氏凡九世一百二十年起民國前七九九七終民國前六七八)

太祖曼—太宗晟—熙宗亶—廢帝亮—世宗雍—章宗璟—廢帝永濟—宣宗珣—哀宗守緒

元(却特氏凡十四世一百六十三年起民國前七〇六六終民國前五四四)

太祖帖木真—太宗窩闊台—定宗貴由—憲宗蒙哥—世祖忽必烈—成宗鐵穆耳—武宗海山

仁宗愛育黎拔力八達—英宗碩德八剌—帝也孫鐵木兒—明宗和世球—文宗圖帖睦爾

寧宗懿璘質班—順帝妥懽帖睦爾

明(朱氏凡十九世二百九十五年起民國前五四四終民國前二五〇)

太祖元璋—惠帝允炆—成祖棣—仁宗高熾—宣宗瞻基—英宗祁鎮—景帝祁鈺—憲宗見深

孝宗祐楹—武宗厚照—世宗厚燠—穆宗載坫—神宗翊鈞—光宗常洛—熹宗由校—思宗由檢

帝由松—帝聿鍵—帝由鄉

清(愛新覺羅氏凡十二世二百九十六年起民國前二九六終民國前一年)

太祖努爾哈赤—太宗皇太極—世祖福臨—聖祖玄燁—世宗胤禛—高宗弘曆—仁宗顯琰

宣宗旻寧—文宗弈訖—穆宗載淳—德宗載湉—帝溥儀

春季始業用

教育部審定批詞

春季始業

高等小學和國教科書

新歷史教科書及教授法

教科書一至四冊
 用史談體編纂於
 歷代大事能提挈
 綱領源委分明頗
 覺適用五六冊用
 進化史體編纂自
 上古以迄民國成
 立凡歷代廢興之
 大勢文化之淵源
 武功之盛衰中外
 之交涉均具大要
 洵小學歷史之善
 本教授法內容與
 秋季本相同

部又(260)

REPUBLICAN SERIES
Chinese History
 For Higher Primary Schools
 (for Two Semesters)
 Approved by the Board of Education
 COMMERCIAL PRESS, LTD.

中華民國七年六月一〇七版

(高等小學校用)

(共和國新歷史六冊)

(第六冊定價大洋一分外埠酌加)

編纂者 寧鄉傅運森
 校訂者 長樂高鳳謙
 發行者 海鹽張元濟
 印刷所 上海商務印書館
 總發行所 上海商務印書館
 分售處 北京天津保定奉天吉林長春
 龍江濟南青島太原開封洛陽
 西安南京杭州蘇州無錫南通
 蕪湖蚌埠南昌廣州九江漢口
 重慶福州廈門廣州汕頭梧州
 汕頭澳門香港桂林梧州雲南
 貴陽

此書有著作權翻印必究

中華民國元年十月十九日呈報十一月十九日註冊 五三三四號

広島大学図書

0130449543

